



ٹا فرفه تا موسلمان

سہرہ دہریا وئی ل تورپن جفاکی



بہرہہ فکرن
بیفکس اسعاعیل عمر

ٹاؤرہ تا موسلمان

سہردہریا وی ل تورین جفاکی

بہرہہ فکرن
بیگہس إسماعیل عمر

مزگہفت

www.mzgaft.com



بهره‌شکر: بیکه‌س‌إسماعیل عمر.

دیزاینناقه‌روکی و بهرگی: سایتی مزگه‌فت.

ژ بهره‌میں: www.mzgaft.com سایتی مزگه‌فت





پيشه‌کي

الحمد لله رب العالمين، والصلاة والسلام على أشرف الأنبياء والمرسلين نبينا محمد، وعلى آله وأصحابه أجمعين، أما بعد:

بيگومان هندیکه سهرقه‌ییا دیندارییا مروّقییه، نه و ره‌وشت و سهرده‌رییا مروّقی ل سهر دبیته به‌لگه، له‌وما هه‌ژییه ئافره‌تا موسلمان بزانیته کو چه‌وانییا ب کارئینانا وی بۆ تورین جفاکی بگره ژ فه‌یسبوکی و ئینستگرام. ..هتد، و سهرده‌رییا وی ل سهر نه‌قان توران؛ بلا بزانیته کو نه‌قه وی دده‌ته نیاسین و پیناسه‌کرن کا نه و چه‌ند یا پیگیه ل سهر حیجابی شهرعی، و کا چه‌ند ئافره‌ته‌کا خودی ترس و خودان ره‌وشته‌کی باش و بلنده، و کا چه‌ند بزاقی دکته ب نه‌زمانی ره‌وشا خو ببته جهی چاقلیکرنی بۆ خوشکین خو، و ب ره‌فتارین خو شیره‌تی و سهرده‌رییا دروست بده‌ته ده‌وروبه‌رین خو.

و بیگومان تورین جفاکی یی د خیری دا بکاربینه خیر و پاداشته‌کی مه‌زنی تیدا، چونکی نه‌قرو یا بوویه ریکه‌کا ب ساناهی و مفادار و کارتیکه‌ر بۆ بانگ‌خوازیکرنی، و هه‌لبه‌ت ئافره‌تی ژی



مافی هه ی خو ژ ئەقی خیری بی بههر نهکەت، ئەقە ژبلی کو
دقیت ئەم ئیسعاج و نهخوشیی بگههینه خەلکی نهحقیی، و
ریکی ل وان بگرن یین ئەقان توران بکار دینن ژ بو بهلاقرنا
خرابکاری و بی رهوشتی، بهلی ئەگەر هەر ئیکی ژ لایی خو
تشتین خیری هوسا ب مشه ی به لاف کر؛ ئەقە دی بیته ئەگەر کو
پوستین خیری پتر کنترولی ل ئەقان توران بکن، و خرابییا وان
به رزه یان کیم ببیت، ههروهسا کارتیکرنا وی هند یا کاریگەر
نه بیت، لهوما هەر ئیکی پی چیبیت بلا قورئانی، و سوننه تی، و
تهفسیری، و شیرهتین زانایین شیرهتکار و باوهریی، و گوتنن
باش و مفادار، و ئاگه هداریین گرنگ به لاف بکەت، و کیمتر خه میی
تیدا نهکەت ئەقیجا چ زهلام بیت یان ئافرهت،

بهلی ل قیری تشتهکی گرنگی هه ی، ئەو ژ ی راسته ئەقان تورین
جقاکي خیر و باشییا دگەل، بهلی دقیت بهیته زانین کو خرابی و
فیتنه یه کا مهزن ژ ی یا دگەل، لهوما ئە ی خوشکا بهریژ ئەگەر تو
دبینی کو ئەقی چهندی کارتیکرنه کا نه رینی یا ل سهر رهوشت و
ئیمان و ژيانا ته هه ی، خو ژ ی دویر بیخه، و ژ ژيانا خو ده ربیخه،



و یا راستی ئەز ئەقی شیری تی ل خوشکین خۆ دکەم، و ئەز دبینم ئەگەر ئەو خۆ ژ ئەقان توران دویر بیخن باشتەر، و هەلبژارتنا سلامەتی یێ ژ هەر تشتەکی هیژاترە، بەلێ ئەگەر دشیاندا نەبیت ئەو بهیلت، ئەا ل قییری دقیت کچا موسلمان بزانی، کچا ئیماندار و خودی ترس بزانی، کچا راستە ری و خودان شەرم بزانی، کو ئەو ئافەرته و دقیت یا هشیاری خۆ بیت، و هەندەک سنوران بو خۆ بدانیت دەمی ئەقان تورین جفاکی بکار دئینت.




سەرهدەرییا ئافرهتا موسلمان ل تورپن جفاکی

ئەگەر ئەم بەرئى خۆ بدەینە پەوشا ئافرهتا موسلمان، و ب کارئینانا وئ بۆ ئەقان تورپن جفاکی، دئ بینن کو هەمی نه ل سەر ئیک پەوشن، بەلکی ژ وان یین هەین:

❁ تنئ حسابەک یا بۆ خۆ چیکری، و دویتچوونا چەند پەیحین مفادار دکەت، ژ یین ماموستایین ئایینی، و بابەتین مفادار و گریدای ب زانین و پەوشت و شیرەتکرنئ قە، هەرەسا گوهدارییا فەتوایین زانایین باوەریی دکەن، ئەقە ئەگەر وان قییا پچەکی دەمئ خۆ ل سەر ئەقان توران ببورینن، بەلئ ب هیچ شیوەیەکی لایکەکی یان کومینتەکی ل پوست و ستوریین زەلامان نادەن، و گەنگەشی دگەل وان دکومینتاندا ناکەن، و ناکەقنە سحبهتئ دگەل هەقالین خۆ ل کومینتاندا، یان ناقتئ زەلامەکی ل پوستەکی یان ستورییەکی تاگ بکەن، قیجا چ ئەو زەلام ماموستایئ ئایینی بیت یان کەسەکی بانگخواز بیت، یان کەسەکی باش بیت، ئەبەد پەوشتئ وان دەستویریئ نادەتە وان ئەو ئەقتئ چەندئ بکەن، تنئ بینەر و وەرگرن بۆ خیرئ، و ل دەف خۆ دوعا یین خیرئ بۆ وان



دڪن يڻ ٺه و مفايي ژ پوست و گوٽنڀن وان و مردگرن، و چ
دمرگههين فيتنڀ ل خو ڦه ناکه ن، ههروهسا کنترولانا هوسا يڻ
چيکرين کو چ کهس نه شيت نامان بو وان فريکهت، ٺه و نه بن يڻ
دهستويري ههين، ٺه ڦه زي بيگو مان گه لهک يا فهره کچا موسلمان
ٺه ڦان فيرکاري بيان بزانيت، ل ده مي تورين جقاکی بکار دئينت.

ههروهسا يڻ ههين بانگخوازي ي دڪن، و پوست و بابتهين مفادار 
به لاف دڪن، تايبه تي کو گريداي ٺافره تي بيت دنقيسن و به لاف
دڪن، يان هر بابته تي کو خيري هه بيت ب گشتي، به لي ٺه و زي
سنورين خو دزانن، و لايک و کومينتان بو چ زه لمان لي نادن، و
به رسقا لايک و کومينتين وان زي نادن، و ٺاڻي چ زه لمان تاگ
ناکه ن، و گهنگه شي دگه ل که سي ناکه ن، نه ل جهي نامان و نه ل
کومينتان، به لکی خو دڪه نه نمونه يڻ جوان ل سه ر ته قوايي و
رهوشت و حه يايي.

چونکی ٺه ڦرو ب مخابنيڦه ٺه م يڻ دبين کو ٺافره تا موسلمان
وه کی پيدڦي نه بوويه نمونه کا باش بو ب کارئينانا ٺه ڦان تورين
جقاکی، به لکی يا پي دڪه ڦته گونه ه و خه له تيي، و چ جوداهييا



هوسا نائیخته رهفتار و کریارین خو بهرانبر زهلامان، و چهند یا کریته ئەو ئافرهتا خو وهکی رهفتارین زهلامان لی دکهت، و ئەفا هوسا بلا ژ خو بترسیت ژ هندی لهعنهتین خودی تهعالب کهفته سەر، چونکی: ((لعن النبي صلى الله عليه وسلم المخنثين من الرجال، والمترجلات من النساء))⁽¹⁾. ئانکو: پیغه مبهری ﷺ لهعنهتین ل وان زهلامان کری یین خو وهکی ئافرهتان لی دکهن، و ئەو ئافرهتین خو وهکی زهلامان لی دکهن.

هەر ل سەر بنیاتێ دیارکنا خهلهتیی ئافرهتا موسلمان ل تورین جفاکی، ئەز ئەقان شیرهتان پیشکیشی ته دکهم ئەمی خوشکا بهریز، خودی قهدری ته بگریت، و ته پاریزیت، و سهربیخیت ل دونیایی و ئاخهتیی، چهند شیرهتن ژ دهق برایهکی خیر بو خوشکین خو دقیت، و ئاگههداریین گشتن بو ههمی کچ و ژنیین موسلمان، بهلی ب تاییهتی بو ئەو ئافرهتا ل سەر سیمایی راستهڕی کرنی، و جلکی ستاره‌بوونی کریی، و خو ل بهر ئاخقتن و جقینیین خهلکی گرتی، ئەقرو ئەگەر ئەو ئەقان خهلهتییان

(1) صحیح البخاری 5886





به چاڦ نه وهرگریت، بلا بزانیټ کو نه دویره ئه و توشی فیتنی و
گونه هی بیت والعیاذ بالله.

هروهسا دقیت بهیته زانین کو هندیکه دیندارییا دروسته ئه و
بریتییه: ژ دروستییا بیروباوهر و پهرستن و رهوشتی، و دقیت
مروقی موسلمان ئه فان هه ر سی ستوینان ب دروستی بجه بینت،
و خؤل سهر راگریت، چونکی نه هه ر کهسه کی ربهین خو بهردان،
یان دهلنگین خو کورتکرن ئه و یی دروسته، ههروهسا نه هه ر
کچه کا نیقاب، یان جلکی ستاره کری ئه و یا دروسته، بهلکی
دقیت بیروباوهر و پهرستن و رهوشتی وان هه می بگونجیت دگهل
شهریعتی خودی، و رامانا فی ئاخفتنی ئه و نینه کو ئه و
پاراستینه ژ هه ر گونه ه و خهله تییه کی، نه خیر چونکی ئه و ژی
مروغن وهکی هه ر ئیکی، و پیغه مبهری خودی سلاوات و سلاقیین
خودی ل سهر بن دبیژیت: ((كُلُّ ابْنِ آدَمَ خَطَّاءٌ، وَخَيْرُ الْخَطَّائِينَ
التَّوَّابُونَ))⁽¹⁾. ئانکو: هه می کوریت ئاده می توشی خهله تییه دبن،
و چیترینی خهله تکاران ته وبه دارن.

(1) عن أنس بن مالك: سنن الترمذي: 2499.



بهلیٰ خهله تی ژ خهله تییبیٰ جودایه، خهله تییا دیار نه وهکی یا
قه شار تییه، و خهله تییا ب کراس و ناھیٰ دیندارییٰ نه وهکی یا
موسلمانه کی سادیه، لهوما ب کارئینانا تورین جفاکی ژ لاییٰ
ئافره تا دیندار و خودان جلکیٰ شهرعی قه؛ ئه گهر نه ب شیوه کی
دروست بیت دی بته جقین بو دینیٰ خودیٰ، و ئه و بخوژی دی
بته نموونه کا نه باش، ههروه سا ئه گهر ئه و ئافره ته یا تیگه هشتی و
هشیار نه بیت ل سهر مه ترسیب ئه فان تورین جفاکی، و چه وانیا
ب کارئینانا وی ب شیوه کی دروست، هینگی پاش نه دویره ئه و
توشی خهله تییبیٰ، و گونه هی، و چاقلی کرنا نه باش، و نه زانان بیت،
و هه وه دیت کا چ ب سهریٰ حیجابیٰ ئیناتن؟! مانه بساخی
سهرژی کرن، و رابین دهست و پیت ریس، و جلکیٰ فاحش کرنا
هه قال دگهل حیجابیٰ، و کچا موسلمان رازی کرن و هوسا
تیگه هاندن کو ئه قه یه مه رهم ژ حیجابیٰ، هه ما ب تنیٰ پرچا خو
قه شیوه و که سیٰ هاش ته نینه، لهوما دی بینیٰ یا هه ی؛ جلکه کی
ته نگ و سهرنج راکیش ییٰ کرییٰ، و نیقه کا دهست و پیت وی د
رویسن، بهلیٰ چونکی پارچه قوماشهک یا ل دور پرچا خو



ئالاندی، دببنت ئەو یا ب حبجابە و چ کیماسی لی نینن، کهواتە
ئەو ب دروستی ل تیگەهی حبجابی نەگەهشتینە!!

و بئگۆمان ئەقی ژمی ئەگەرین خۆ بیین هەین؛ ژ هەقالینبیا خراب،
و نیازین دونبایی، و چاقلیکرنا کورە، و ژ دەست دانا تیگەهی
تشتی، و نەخواندنا ژباننما ئافرەتین چاقلیکەرین ئوممەتی
بیین وەکی دەیکین باومرداران و ئافرەتین صەحابیبیان، و نەبوونا
تەقوایی، حەزژیکرنا مەدح و پەسنین خەلکی...هتد،

هەر وەسا نوکە ب مخابنیقە هەر ئەقە یا دەیتە دیتن ژ خودانین
نبقابی ژمی ل سەر تورین جفاکی، لەوما دی ببنی ئافرەتا هەمی
هوسا ددەتە دیارکرن یان هوسا دەیتە دیتن ئەو یا ب نبقابە، بەلی
رەفتارین وی ل تورین جفاکی رەفتارین نەهیژای جلكی وی نە،
کهواتە ئەقە ژمی ئەگەر خۆ نەپاریزیت، و ب دروستاهی رامانا
نبقابی تینەگەهیت، ئەو ژمی دی هیته خاپاندن، و دی خۆ بببنت
بئ کو ئەو هەست بببیکەت یا دایە دویف چاقلیکرنا مروققین نەزان
و خراب، ببگۆمان ئەقە ژبلی وان ئافرەتین هشیار و تیگەهشتی،
بیین کو مەترسییا قی چەندی دزانن، و ب راست و دروستی مافی






جلکي شہرعي ددہني، و خو کرينه نمونين باش، و سہرقہ بيا
وان وهکي قہ شارتيا وانہ، و رہفتارين وان قودیکہ بو رہوشت و
شہرم و ترسا وان ژ خودي، و نادہنہ ديف خرابيا جفاکي، يان
ہر تشتہکي کارتیکرنی ل رہوشتي وان بکہت، ژ خودي دخوازم
ئو ب دلوقانی و قہنجيا خو ہوہ پاريزيت ژ پيلان و داڻين
شہيتانين ئينس و جينان، و ژ چاڻليکرنہ باش و نہزانان.



ڦه کرنا دەرگه هې څراپي تیکه لیا کوران ب نافی بانگخوایي

بانگخواییا دینی خودی بیگوومان کاره کی پیروزه و پاداشته کی مه زنه، ئه رکه کی گرانه ل سهر ملان، و ژ باشتیرین و چیتیرینی کارانه، و ریکا پیغه مبه ر و چاکانه، و زادی باغ و بهه شتانه، و هر ژ دهستییکا ریکی، ئافره تا موسلمان مل ب مل دگه ل زه لامي؛ هه لگر و به لافکه رین په یاما خودی ته عالا بووینه، به لی ل قیری پرسیار ئه وه: کا ئه و ره وشت و سه رده رییا ئافره تین پیشیین چاکین ئومه تی یا وان پی بانگخواییا دینی خودی دکر، کا ئه و شهرم، و پاراستن و ترسا ژ خودی، و پیگریا وی ب زانینی؟! کا ئه و ئافره تا هه ما دیتن و بیده نگیا وی بانگخوای بوو!؟

ئهری ئاخفتنا ل کومینتان دگه ل کور و زه لامان، و که نی (هه هه)، و ئیموجیین دل  و گول  هه زژیکی رنی  ئه ڦه بانگخواییه؟! ئهری چوونا خاسین وان ب هیجه تا پرسیار و شیره تکرنی، و که فتنا خه لوه تی دگه ل ئییلیسی له علنه تی، ئه ڦه خو پاراستنه ژ فیتنی؟!؟



ئەرى بەرسقدا نا ستورىيىن وان و هنارتنا نامان بو خاسين وان،
ئەقە ژ كارين ئافرهتا ديندار، و خودان رهوشته؟! ئەرى ما دلى
ئيماندار، و تبلين خودى ترس، و نه فسا شهرمدار نزانيت كو په يقا
(جزاك الله خيراً) ل سەر ستورىيى كه سهكى دى وى پاكيشته
خاسى وى كه سى؟! ئەرى تاگكرنا ناقيين زه لامان ل سەر كومينت،
و پوست، و ستورىيان، ژ گرنا دهرگه هين فيتنى، و خرابيى يه!؟

ئەرى ما تو نزانى دل يى هه ستياره، و شه يتان ل سەر هر يى ب
كاره، و فيتنه يا غه داره، و نه فس يا خرابكاره، و هه ست بو يى
مه يل داره!؟

ئەقە هه مى خه له تى و گونه هكاريبه خوشكا من، و قه كرنا ريكيين
تيكه لىي، و فتنى، و بسته هيبى، و شه هوه تى نه. و پيغه مبه رى
خودى سلاوات و سلاقيين خودى ل سەر بن بيژيت: ((ليس للنساء
وسط الطريق)) ئانكو: بو ئافره تان نينه ئەو نيقا ريكيى بچن.

ئەقە ژ بهر قىككه قتن، و تيكه لىيا وان دگه ل زه لامان. ههروه سا بو
ب كارئينانا تورين جفاكى ژى نابيت ئافره تا موسلمان، قىككه قتن،
و تيكه لىي دگه ل زه لامان بكه تن، ب هيجه تا خير و بانگخوازىي.



پوستین خیرئ ببینه، شوینا لایکئ دوعا بو بکه، و چ کومینتا ل سەر نه نقیسه، نه کو ته مافی ئی چه ندئ نینه، به لکی تو خو ژ فتنئ بپاریزه، و ببه نموونه کا باش، و جهئ چاقلیکرنئ ل سەر چه وانیا ب کارئینانا تورین جفاکی.

ئەری چه ند ئە ئەرۆ هه نه ل سەر پوستین هه وه بقی شیوهی چیدکه ن: جزاك الله خيراً أختي 🌹😊 یان دهستین ته ساخ بن ❤️ .. هتد، و دهستخوشیئ ل ته دکه ن، و خوش و شرین دئاخفن 🍷 و ئە گهر ته ژئ هه م نه فسی شیوه لی زفراند: و جزاك أخي 😊 یان خوشتر، زۆر سوپاس 🌻🙌 ب تایبه تی ب ئە ئان ئیموجیان، ئە ئه نه فسا ره گه زئ به رانه بری ته بو خرابیی و فتنئ لقاند، و جاره ک دوو، شهیتان دئ کارئ خو که تن والعیاذ بالله، و دئ هه وه پتر نیزیکی ئیک بکه ت، و وه کی هاتییه ئه گوه استن: کو شهیتان دئ ۹۹ دهرگه هین خیرئ ل ئیکئ هه که ت به س دا بشیئ دهرگه هه کی خرابیی لی هه که ت کو تیچوونا وان تیدا بیت. ههروه سا ژ شکینه رین شهرمی (حه یایی) ل دهف ئا فره تا موسلمان؛ ترانه کرن، و یاریکرنا وانه دگه ل ئیکو دوو ل پیش چا قئین خه لکی، و دیارکرنا هه ستین خو، بتایبه تی ل تورین جفاکی، کو



هوسا نهرم و نازک دئاخفتن، ئهري ما نزانن کو تهعلا خودي
نههيا وان يي ژ قى چهندي كرى بگوتنا خو: {فَلَا تَخْضَعْنَ بِالْقَوْلِ
فَيَطْمَعَ الَّذِي فِي قَلْبِهِ مَرَضٌ وَقُلْنَ قَوْلًا مَّعْرُوفًا} [سورة الأحزاب:
۳۲]. ئانكو: و هوين ئاخفتنا خو دگهل بيانيا هوسا نهرم و نازک
نهكهن، قيجا دلين وان كه سين تشته كي نه باش تيدا ببنه خرابيبي
(و ئهقه توره بيه كي (ئادابه كي) گشتي يه بو ئافره تا باومردار ئه و
خو ژ فتنى و ئه گهرين وي بپاريزيت) و هوين گوتنه كا دوير ژ
گومان و خرابيبي بيژن.

دينى خو بپاريزه، و شهرما خو ب راگره، و ترسا خودايى خو ل
سه ر دلى ب دارپزه، و زانينى بکه كريان و كريان بکه ئيمان، نه به
هه فكار بو شينوارين شهيتان، و بگره ريكا فتنى ل بهر وان.
دوعا ژ خودي تهعلا دكهم هه وه بپاريزيت ژ گونه هان و
خه له تيبان و فيتنيت ديار و قه شارتى، و هه وه ل سه ر پاقرزي، و
شهرميني و ته قوايي و قه نجبي راگريت، و هه وه سه ر بيخيت ل
دونيايي و ئاخره تي.



مه ترسییا خشوکان ل سهر ئافرهتا موسلمان ل تورین جفاکی

ههروهسا ژ مه زنترین و مه ترسیتترین دهرگههین فتنی و خرابییی
ئه قرۆ ل سهر ئافرهتا موسلمان، نه زانینا وی یه ل سهر مه ترسییا
ئه فان تورین جفاکی، چونکی ئه و دهرگههکی فتنی و خرابییی
یه، و ئه و مالا ب شهقی دهرگهه و په نجهرین خو دهیلته قه کری،
بیگۆمان ئه و هوسا یی دهرفتهی و بسته هیییی ددهته دزیکه ران،
قیجا ئه گهر تشتهکی خراب ب سهری وی مالی هات، خه لک دی
هند لوما ژ خودانی مالی که ن پتر ژ دزیکه ری، چونکی ئه وان
خه له تی کر، و دهرگهه و په نجهرین خو هیلابوونه قه کری، ئها
هوسا خوشکیین به ریز خودی قه دری هه وه بگریت، ئه گهر هوین ل
سهر ئه فان تورین جفاکی ریکی ل دل پیس و خرابکاران نه گرن، و
دهرگههکی یان په نجهرهکی بو بهیلنه قه کری، هینگی بیگۆمان ب
ههر هیجه تهکی دی مروقهکی دل نساخ و عه قل سقک و بی
ره وشت وه کی خشوکهکی ره زیل دی خو خشینت بو تایبه تی
(خاسی) هه وه، و پیغه مبه ری خودی ﷺ گوئییه: ((أَلَا لَا يَخْلُونَ



رَجُلٌ بِامْرَأَةٍ إِلَّا كَانَ تَالِثَهُمَا الشَّيْطَانُ))⁽¹⁾ ئانكو: نينه زهلامهك
بتنى مینت دگهل ئافرهتهكى ئیلا یی سیی دگهل وان دى شهیتان
بیت.

قېجا تو هزربكه ئەگەر زهلامهكى باش و خودى ترس و خودان
پهوشت، بمینته بتنى دگهل ئافرهتهكا باش و خودى ترس و
خودان پهوشت؛ دى شهیتان خو ئیخته دناقههرا واندا، و دى دل
و عهقلی وان بهته خرابییی، و بهلا خو ژ وان قهناکهتن ههتا
گونههى و خرابییی ب وان بدهته کرن والعیان بالله، پا چهوايه
ئەگەر مروّقهكى دل نساخ و بى پهوشت و خودى نهترس قهستا
ته بکهتن خودى ته پاریزیت، و قېجا شهیتان دناقههرا ههوه دا
بیت، و کارل سهر دل و عهقلی ههوه بکهتن؟!

لهوما فهره و ههژییه ئافرهتا موسلمان یا هشیار و ئاگههدار بیت ژ
ئەقان مار و تیمساحان ئەوین خو د خشینن بو تایبهتى (خاسى)
وان، و قېجا ب په یقین خهملاندی، و هیقیین چیکری، و ب برهوان
دى خو کهته ههقال، و سواری خهوان، ئەو ب خو مروّقهكى

(1) سنن الترمذی 2165.



فیلبازه، ئەگەر زهلامینی، و رهوشت، و کهرهمه تا وی بهیته کیشان، بهلکی ب چهنگی پیشیه کئی ژمی نه ئینیت،

ب تایبه تی ئەقرو دیندارییا شکلی یا مشهیه، ههما بتنی سیمایی دینداریی ل خو دیارکریه، و بهلکی چهند پوست و ستوریین ئاینی به لاق بکه تن، و تیدا به حسی رهوشتی، و سالوخه تین هه قزینی باش و نموونه بکه تن، و خو ب و مرگری زانینی بینته دهه..هتد، پاش ههما ته هند دیت ب هر هیجه ته کئی وی خو خشانده تایبه تی (خاسی) کچه کئی، و دی خو دگهل که ته هه قال، و دی خو بو که ته شیره تکاره کئی خیانه تنه کهر، قیجا بگره ژ په یقین جوان و شرین؛ هه تا عه قلی وی خرینت، و ب تنی ده می خو دگهل بورینیت، و ئاره زویین خو ژئی چیکه تن، و وی دگهل خو بیخته گونه هی و په یوه ندییا حه رام والعیان بالله.

و ئەز دبیژمه ئەقی خشوکی بلا که یفا ته نه هیته ئەگەر هوسا ب ساناهی ئیک بته بهیته خاپاندن، و ب که قینته شوک و داقین ته، چونکی ئەگەر ئەو ئافه ته ژ راستا یا باش و تیگه هشتی بیت، و خودان رهوشته کئی بلند و شهرم بیت، و ژ راستا یا دیندار و خودی ترس بیت، و قه دری دینی خو بزانیته، و کهرهمه تا بابی خو و



بنه مالى نه ئيخته بن پيٽ خو؛ ئەگەر تو چەند ھەولاً بەھى و خو
ماندى بەھى، ئەو بەتە ناھيٽە خاپاندن، و تە دگەل خو بستەھ
ناکەت، و ريکى ل شەيتانى، و نيازىن دل نساخ و خرابکاران خوش
ناکەتن، بەھى ماسييا ئەرزان و مشە؛ بەھى پوژانە تو ب شوک و
داقين خوڤە ببيني، و بلا تىگەھشتن بو خودان عەقلان بيت.

شيوازى ئەقان خشوکان دگەل ئافرەتا موسلمان ل تورين جفاكى
ژ ھندى دەستپيدکەت؛ کو دەستپيکى دى خو باش و دیندار دەتە
نياسين، ب بەلاڤکرنا پوست و ستوريين خيىرى، پاش دەمى بينت
کچەكى ستورييهكى ئينايە خوار، ب تايبەتى ئەگەر ئەو بيت يا
لايک و کومينتان ل پوست، و ستوريين وى دەت، تە ھند ديت
دى خو ھەكى گيسكى خشينت بو تايبەتى (خاسى) وى کچى، و
دى بزاقى کەت ب رييهكى قايم خو دگەل وى بستەھ بەکەت، و
گريکين ئاخفتنى دگەل ڤەکەت.

يان دى خو ل سەر سەرى وى کەتە شىخ و مەلا، و دى خو
خشينتە تايبەتى (خاسى) کچەكى، و دى بيژتتى: ئەو پوستە يان
ئەو کەسى تە بەلاڤ کرى يى خەلەتە، و دبیت ئەو کچە وى
شيرهتتى ژى قەبيل بەکەت، بەھى جارەک دوو دى شەيتان دل و



میٹشکی وان بہتہ خہلہ تیپی و گونہ ہی، و بی شیرہ تی ل سہر
بنیاتہ کی نہ دروست بدہت، بیگومان دی زیان و نہ خوشییا ژئی
دہیتہ دیتن پترتر بیت ژ وی خیر و باشیپی، لہوما ہہ ژییہ ئافرہ تا
موسلمان مہ ترسییا ئہ ئان خشوکان ب چاقہ کی مہ زن
سہ حکہ تی، چونکی گہلہ ک جاران ژ ئہ ئی چہندی، سہری یا
کیشایہ ہہ تکبہ ری و ئاریشہ بی ہہرہ مہ زن، ولا حول ولا قوۃ إلا
باللہ.

چارہ یا ئہ ئی چہندی ئہ وہ؛ ئافرہ تا موسلمان ہہر ژ دہستی کی و
دوماہی ل سہر ئہ ئان تورین جفاکی ژ خودایی مہ زن ب
ترسیت، و سنورین خو دگہل کہ سی نہ بہ زینیت، و بہرسقا نامین
ئہ ئان خشوکان نہ دہتن، یان نامی قہ کہ بہ لی بہرسقی نہ دہ
بہلکی شہرم ژ خو بکہت، و ئہ گہر تہ زانی ئہ قہ بی ل دور تہ
دزقریت ئیکسہر بلوک بکہ، و ئہ گہر جارہ کی خواستہ ئاخفتن،
ہشیارہ ژ یا پیدقی زیدہ تر نہ ئاخقہ، ہہر وہ سال ستوری خو
پرسیارہ کی نہ کہ یان بوکسہ کی قہ نہ کہ ب خوازتہ ہندی ئیک
بہیت پی دگہل تہ باخفتیت، قیجا بو بییتہ خوش ہیجہت.



ب کارئینانا نیقابئ پھیوهندییا وئ دگهل پروسهیا هه قژینیئ

بیگۆمان هندیکه هه قژینییه، و ئاڤاکرنا خیزانی ل سهر بنیاتی رهِوشتی دلۆقانیئ و قبیانی و تهقوایی، و پاراستنا دههمهئ، هیڤییا ههر مرۆقهکی موسلمانه ژ کچ و کوران، چونکی دینی مرۆقی پی تهمام دبیت، و مرۆف پی ستاره دبیت، و دل ئارام دبیت، و ریکا خرابیی ل مرۆقی دهیته گرتن...هتد. و گهلهکا بیدقییه مرۆقی موسلمان ب تاییهتی قی سهردهمی ئەو ههر زوی قهستا ههلالی خودی بکهت؛ و پی دین و نهفسا خو بپاریزیت، چونکی نوکه چ سهر دهم وهکی ئەقرو نههاتییه هوسا دهرگههین شههوهتی، و ریکین زینایی و گونههی و پهیوهندیین ههرام، ل بهر گهنج و جحیلان ب ساناهی بن.

ههر ژبهه قی چهندی دهیته دیتن کو گهنجی مه پی دیندار دی قهستا کچهکی کهت، ئەو بیت یا کو بشیت هیڤیین خو دگهل ئاڤا بکهت، و بشین پیکفه خیزانهکی ل سهر ئیسلام و سوننهتی بیکیبیت، لی مخابن ئەو گهنجی ئەقرو ل سهر قی نیازی کچهکی دگهریت نه دویره بته قوربانیی کچهکا فیلباز کو چ ژ رهوشت و



دینداریی نزانیت، تنی سهرقه ییا خو بکار دئینیت بو نیچیرکنا کوره کی، پاش خو دیار دکهت ل سهر راستییا خو، قیجا نه ئەو سیک و نه ئەو بازار.

بهلی بیگۆمان هندیکه نیقابه ژ دروستترین بوچوونین زانایان ئەو فەرزە ل سهر ئافرهتا موسلمان (و ئەهه بوچوونا گهلهک زانایانه دگهله بوونا خیلافی ل سهر ئەهی بابەتی)، و ههلبزارتنه ئافرهته کی ل سهر بنیاتی نیقابه، ههلبزارتنه کا سهرکه قتییه؛ چونکی ئەم مروئن، ئەم راستییا ناخی که سی نزانن تنی ئەوه یا ئەم دبینن، قیجا هندی سهرقه ییا که سه کی باشی بیت، ئەم دی ب چافی باشییه سه حدکه نی، و دی هزرین باش ژئی کهین، و ئەم دی قه شارتییا رهوشا وی/وی بو خودی ژهرینن.

بهلی ئەهرو ب لیبۆرینقه ئەم دبینن، کو حاله تین بهردانی یین، گهشتینه ئاسته کی دل ئیش، ههتا ژ لایه که سانین دیندار ژئی، ئەگەر چیه؟! ئەگەر ئەوه؛ چونکی زهلام پی چه سییا یی هاتییه خپاندن، و هوسا نه بو وه کی ل تورین جفاکی دهاته دیتن، بهلکی کهچه که نه زانه، و ب دروستی مافی زهلامی خو نزانیت، و ئەرکیین



وی وهکی پیدقی بجه نائینت، و ئەو پوستین ل سەر رهوشت و باشیی به لاف دکرن، تنی دمرکه فتن کویی دکرن (copy - paste).

لهوما خوشکین بهریژ ژ خودی بترسن، و دینی خودی ب کریار وهر بگرن، و ژ راستا ببنه ئەو هه فژین یا زه لامی دیندار خه ونا پیقه دبینت، و که سی ب پوست و سهرقه بیا خو نه خاپینن، و ئەقه گونه هه کا مه زنه، و ئیک ژ مه زنتین جورین غشی یه، و پیغه مبه ر خودی سه لاوات و سلاقین خودی ل سەر بیت گوتییه: ((مَنْ غَشَّنَا فَلَيْسَ مِنَّا))⁽¹⁾. ئانکو: بی غشی ل مه بکه تن ئەو نه ژ مه یه.

ههروه سا په یامه ک بو برایین بهریژ: کو له زی نه کهن، و زیکا بریاری ل سەر چ که سان نه ده هه تا باش پرسیار بکه ی، و مال و هه قالین وی بنیاسی، نه هه ما بزانی یا ب جلکی شه رعییه، و پوستین باش ل سەر مافی هه فژینی به لاف دکه ت، بیژی هه ما ئەها ئەقه یه یا ئەز لیدگهرم.

(1) صحیح مسلم 101.



چونکی نوکه گه له ک جورین مروّقان بیّن ل بن نیقابې، و ژ دویرڅه باوه ریې و پشت راستیې ئیکسه ر نه ده چ که سان، هه تا باش دنیا سی، دا حالې ته ئه و نه بیت، یې ل روژه کا گهرم، و تیهنې ژ دویرڅه وه کی ئاڅې دبیت، به لې ده مې نئزیک دبیت دزانیت چ راستې بو نینه، تنې له یلانه (سه رابه).

ب تایبه تی ئه گهر ئه و کچه دگه ل ته د په یوه ندیې دا بیت، هینگی بزانه نیقبا با څې تنې شکله، څیجا ب ناڅې نیقابې و چه زژیکرنا زانسې شهرعی، خو دگه ل ته شه کل بکه ت، و دویماهیې ب دمرکه څیت، چ چه ز بو نیقابې و زانستې شهرعی نینه، به لکی هه تا سه ره ده رییا باش نزانیت بکه ت دگه ل ده یباب و څیزانا ته، و دروستې مافې ته بجه نه ئینیت. دگه ل ریژ و حورمه تی بو بیّن باش و تیگه هشتی، چونکی بزانه تو بفریبه به ر په ریّن ئه سماني، و شاخ ل سه ری ته به یّن، کچا خودی ترس، و دیندار بیت، و ئه و بیت یا مافې جلکین شهرعی ده تی، و خودان زانینه کا ب مفا بیت ئه و چ په یوه ندیې حه رام دگه ل ته ناگریده ت، و چاڅ ل ئافره تیې چاکین ئوممه تی دکه ت، و ریکیې خرابیې و فتنې و



گونه‌هی ل بهر خو و ته خوش ناکهت، چونکی ئەو یا سه‌بری ل
سه‌ر جفاکی، و به‌لکی خیزانی دگریت پیخه‌مه‌تی رازیبونا
خودی ته‌عالا و پاراستنا ژ گونه‌هی، فیجا ئەو خو دگه‌ل ته
گونه‌ه‌کار ناکهت، ئەوا هوسا ئەوه یا دقیت ببیته هه‌قژین و
دهیکه‌کا باش، و خیزانه‌کی ل سه‌ر بنیاتی ته‌قوایی پیکبینیت.

هه‌روه‌سا بزانه کچا دیندار ئەو نینه یا ب تنی جلکی شه‌ری
دکه‌تی، به‌لکی دقیت بیروباوهر و ره‌وشت و سه‌ره‌ده‌رییا وی ژی
وه‌کی یین ئافره‌تین پیشیین ئوممه‌تی بیت ژ سه‌حابییان و
تابعییان و تابعین وان -خودی ژ وان رازی بیت-، و چه‌ند ئەقرو
بیروباوهرین وان وه‌کی پیشیین چاکن، به‌لی ره‌وشتی وان هه‌ما إنا
لله وإنا إلیه راجعون ولا حول ولا قوه إلا بالله العلی العظیم.

دگه‌ل قی چه‌ندی هه‌می بیگومان یین هه‌ین ژ راستا مافی جلکی
شه‌ری دده‌نی، و زور دباش و قه‌در بلندن، و گران بهانه، ئەو ب
زیری سور ناهینه‌کرین، له‌وما هزرین خراب ژ هه‌مییان نه‌که، و ژ
خودی ته‌عالا بترسه، و ب گومان و بی به‌لگه‌ گوتنن نه‌دروست
ده‌رحه‌قا ئافره‌ته‌کا خودان جلکین شه‌ری دا نه‌بیژه، و بلا گوتنا



خودى ل بيرا ته بيت: {يَأْتِيهَا الَّذِينَ ءَامَنُوا أَجْتَنِبُوا كَثِيرًا مِّنَ الظَّنِّ
إِنَّ بَعْضَ الظَّنِّ إِثْمٌ} [الحجرات: ١٢]. ئانكو: ئه ي ئه وين هه وه
باوهرى ب خودى و پيغه مبهرى وى ئينان، و كار ب شه ريعه تى
وى كرين، هوين گه له ك خو ژ هندى بده نه پاش كو هوين هزرا
خرابيى ژ خودان باوه ران بكن؛ چونكى هنده ك ژ وى هزرى
گونه هه، و هوين ل عه بيىن موسلمانان نه گه ريىن.

به لى پا ئا گه هى خو ژى وه ربگره، و سه رقه ييا كه سه كى ب تنى
نه كه خالا هه لبژارتنى، هه تا خو ژ بيروباوه ر، و ره وشتى وى
پشت راست بكه ي، و بزانى كو جلكى وى و سه رقه ييا وى
راستيه كه بو ره وشتى وى، و بزانى كو كراسى ته قوايى يى ل به ر،
به رى كراسى ستاره بوونى، هه ر وه كى خودى ته عالا گو تيبه:
{وَلِبَاسُ التَّقْوَىٰ ذَٰلِكَ خَيْرٌ} [الأعراف: ٢٦]. و جلكى ته قوايى
ئه وه ژ هه مييا ب خيتر.



ب کارئینانا نیقابئ، په یوهندییا وئ دگهل خو جوان دیارکرنئ

ژ وان دمردین دل ئیش جلکئ شهرعی ئه قرؤ تیگه ه و په یاما خو
ژ دست بدهت، و هه ما ب تنئ مینت پارچه قوماشه کئ بی روح،
ئه قه ل دهمه کی ئه فی پارچا قوماشی دگهل کچا موسلمان
دئاختت، و شیره تین خو پاراستن و نیزیکبوونا خودئ لی دکر،
نوکه مخابن؛ ئه و جلکئ کو روژه کئ نیشان و به لگه بؤ ل سهر
رهوشت، و ته قوایی، و خو پاراستنئ، و شهرم، و ستاره کرنئ،
ددهستنئ هنده کان دا بیته جلکئ جوانیئ، و خه مل، و زینه تی و
خو بهرچا کورنئ ل تورین جفاکی، و کیشانا سهرنجا زه لامان.

یا راستی ئه قه ژبلی گونه هی و گه مزاتیبیئ، ئه قه بی رامانییه؛
چونکی هندیکه بؤ نموونه نیقابه، ئه و جلکه کئ شهرعی یه و
خودان په یام و ئارمانجه، پی خه مل جوانییا ئافره تی دهیته
قه شارتن، نه کو بهیته بکارئینان بؤ خو بهرچا کورنئ و نمایشکرنئ
و جوان دیارکرنئ و راکیشانا دل و چاقین زه لامان، چونکی ئه گهر
هوسا بیت جلکی ستاره بوونئ چ رامان و تیگه هی خو نینه، و چ
جوداهییا خو دگهل جلکین بی ستار نینه.



ئەرى ما تە مەرچىن جلكىن شەرى ژبىر كرنە، كو ئىك ژ وان
مەر جان: نابىت يى سەرنج راکىش بىت پى بىتە جەھى فىتنى؟! و
دگەل ئى چەندى يىن ھەين خۆ جوانترىن خەمل، و شىوہ ل
تورىن جفاكى ديار دكەن، ل پىش چاقىن سەدان مرؤقان، ئەرى
ئەقە يە مەرەم ژ جلكى شەرى؟!

بزانە خوشكا من خودى دلؤقانىيى بتە ببەت و قەدرى تە بگرىت،
ئافرەت بى جلكى شەرى پتر جوانىيا وى دەھىتە پىش و ديار
دبىت، بەلى جلكى شەرى ئەئى جوانىيى ل پىش چاقىن زەلامىن
بىانى قەدشېرىت، ھەم بۆ پاراستنا تە، و ھەم بۆ نەپەيدا بوونا فتنە
و خرابىيا جفاكى، و بزانە ھەر دەمى تو ب جلكى شەرى دچىيە
بەر قودىكى و خۆل بەر بادەى، و ب شىوہكى ھوسا بکەيى خەمل
و جوانىيا تە پى نەھاتبەتە قەشارتن، ئەو ھىنگى تو ل مەرەما
جلكى شەرى نەگەھشتى، و تە ۋەكى پىدقى خۆ ستارە نەكرىە.



ههروهسا ل دبیت ڦیږی گۆمانهک (شوبههک) بهیته گۆتن: کو
هندهکین ههین دبیزن: ئەم ئەڤی چهندی دکهن؛ دا ل بهر
هندهکین نهکهنی شرین بیت، و ههزژ نیقابی بکهن، و بزنانن چهند
تشتهکی جوانه، و ته کریت دیار ناکهتن.

به‌رسف: مه‌ته‌لا ڤی ئاخفتنی وه‌کی مه‌ته‌لا ئیککی یه، خو ته‌ر
بکه‌تن پاش بجیته ل بهر سیبه‌ری، ئەو نیقابی تو پی دچییه ل
به‌ر قودیککی، و سه‌حکه‌یه جوانییا خو، کا ژ ته دهیت یان نه؟!
بزانه ئەو نه نیقابه، و تو هیش ل مه‌رهما نیقابی نه گه‌هشتی،
چونکی: مه‌رم ژ نیقابی ئەوه جوانی، و خه‌ملا ته‌ ڤه‌شیریت.

ئهو کچا بی ستاره (متبرج) دزانیت یا بی ستاره‌یه، و دزانیت ئەو
شیوی ئەو ل سه‌ر یا جوانه، و چاقین زه‌لامان بو خو رادکیشیت،
به‌لی ئەڤه ده‌می ته‌وبه دکه‌ت، دی خو ستاره که‌ت و په‌فتارین خو
پاریزیت، سه‌ری خو نزم که‌تن، و خو ل بهر چاقین بیانیان بی
جلکی شه‌ری دیار ناکه‌ت، ئەری به‌س تو دی ته‌وبه ژ چ که‌یی؟!
له‌قتین نیقابی ل سه‌ر توری جفاکی، و چاقلیکرنا نه‌زان و خه‌لکی
دونیا بی ب کراسی شه‌ری، هه‌ر وه‌کی تو یا گازی دکه‌ی ئەڤه





پشتی ته خو سهرقه ستاره کری، ئەمی گەلی گەنج و زەلامان
سەحکەنە من، ما ئەز نە یا جوان و سەرنج ڕاکێشم؟! کچا بی
ستاره شەیتانی جلکی وئی یی دزی، بەلئ ئەفا هوسا شەیتانی
میشکی وئی یی دزی، والعیاذ باللە.

هەر وەسا یین هەین نەکو بەس لەقتان ب جلکی شەری دکن
ل بەر چاکی کامیری ل سەر تورین جفاکی، بەلکی لەقتا ب
هەقزینیت خوژی دکن، خو پیش چاکی کامیری رومانسی
دکن، هەر وەکی هەما ئەو تنی یین ژوورقه کەس وان نابینت،
ئەری ئەقه رەوشت و بانگخوازییه؟! ئیسلامی ریگری ل
خوشیین تە نەگرتینە، بەس نەهوسا ئەقه یا خەلەتە.

هەر وەسا بەلاکرنای وینەکی، یان ئیدووەکی کو چاقین تە ب تنی
دیار دکەت، ئەری ئەقه چ پەيام دگەهینت، و چ مفایی خو هەیه، و
چ خزمەتا دین و جفاکی دکەت؟! ئەگەر نیشا خەلکی دەمی کو تە
چاقین هەین، باومرکە پتیریا خەلکی چاقین هەین، ژخو ئەگەر
نیشا خەلکی دەمی کو تو کچەکا ب نیقابی، باومرکە هەما کاری
نیقابی ئەوه تە ژ ئاخفتن و بەریخودانا خەلکی پاریزیت!!



ئەرى ئەقە يە مەبەست ژ جلكى شەرى تو وئنه يان قىديوەكا
خۆ بەلاڧ بكهى ل تورين جفاكى، و زهلام بهين ل سەر كومينت
بكهن و بيژن: (ما شاء الله) چەند يا جوانى، خودى تە پاريزيت
دگەل ئيموجيين گول  و دل  و ل سەر هندی را كهيفا تە پى
بهيت و بهلكى سوپاسييا وان ژى بكهى، ئەرى ئەقە يە پەروردەيا
جلكى شەرى خوشكا من؟! ئەقە يە نمونەييا نيقابى و
حيجابى و پاراستنا شەرم و تەقوايى؟! ئەقە يە چاڧليكرنا باش، و
رەوشتى كچا ديندار و ئيماندار؟! ئەرى تە دڧيت هوسا ئەوان
خوشكين تەوبەدار فيركەى؟! ئەقە يە شيرەتا تە بو وان؟!

هەر وەسا مكياجكرنا چاقان، و سوركرنا ئالەك و زراقكرنا بريان و
گريڧانا نيقابى ل سەر ليڧا دڧنى وەكى كهمامى، ئەقە ژ
چاڧليكرنا كى هەو وەرگرتييه؟! ب تايبهتى كو نيقابين نوكة بين
ل سەر شيوين مودي لان بهلكى هاتينه چيكرن، بزنان خوشكين
بهريز ئەقە هەمى ژ دەرگهئى خۆ جوان دياركرنى يە، و ئەو نە
نيقابهكى شەرىيى دروستە، لەوما ئەقە بزانن خودى تە وڧيڧا
هەو بەدەتن.



و بیگوومان ئەز نەشییم بەحسێ هەمی خەلەتییان بکەم، چونکی
هندی ویقەترە بەلکی پتر رەفتاریین نەدروست پی دەینە کرن،
بەلی ئەقە نیفشکی پەیامی یە ل سەر قی بابەتی؛ کو فەرە ئافرەتا
موسلمان سنوری خۆ بزانی ل سەر ئەقان توری جفاکی، و
هشیاری رەفتاری خۆ بیت، و بزانی ب شیوهکی دروست، و
ساخلەم، و پشتراست ب کاربیت، و خۆ ژ ئەوان ریکین سەری
دکیشنە خرابیی و فیتنی دویر بیخیت، و هند باوهریی نەدەتە
ئەقان توری جفاکی، چونکی چەند کەس بووینە قوربانیین ئەقان
توران، و شینا ببنە نمونە و چاقلیکەر، یین بووینە وانە و سەربۆر،
لەوما هەژییە ل سەر ئافرەتا موسلمان ئەو ب چاڤهکی مەزن بەری
خۆ بدەتە مەترسییا ئەقان توری جفاکی، و پیشایی بدەتە
پاراستنا دین و رەوشتی خۆ، و یا هشیار بیت ل سەر کرنا ئەوان
خەلەتیین بەری نوکە بەحس لی هاتینە کرن.



ل دویماهیئ من دقیت ئاماژی بدمه تشته کی گرنگ ئه و ژی؛ ئه م
یئ دبینن کو ئه قرؤ بانگه وازییا کرنا جلکی شهرعی، هه تا راده کی
باش یا بو یه جهی وهرگرتنی؛ چونکی ب مخابنیقه ئه و وه کی
پارچه قوماشه کی ساده یا بو ئافره تا موسلمان دهیته وه سفکرن و
پیشکیشکرن، و دوژمنیئ ئیسلامی ده می نه شییان ئه فی جلکی ب
ستاره ژبه ره می کچین موسلمانان بکه ن، رابین رمان و تیگه هئ
ئه فی جلکی ل بهر ئافره تا موسلمان شیلان، و نه مانا تیگه هئ
دروستی تشتی، گه له ک مه ترسیتره یان خرابتره ژ نه مانا وی
تشتی بخؤ، و تو ئه فی چه ندی قیاس بکه بو هر بابته کی، بو
نموونه: ئافره تا هه ی یا بی ستاره یه، و جلکی شهرعی ل بهر نینه،
به لی دزانیت ئه و یا خه له ته، و یا گونه هکاره، و دزانیت تیگه هئ
ستاره بوونی چیه، و هندیکه حیجابه ئه و فره زه، و خودی لمه
نه گریته.. هتد، ئه فا هوسا ژ وی چیتره یا تیگه هئ ستاره بوونی ل
ده ف نه بیت، و جلکی شهرعی ل بهر خو وه کی خه مله کی ببینت،
و بتنی پرچا خو فه شیریت، و ده ست و پیت خو هه تا نیقی ریس
که ت، جلکه کی ته نگ، و سه رنج راکیش بکه تی، و بیژیت: مانئ
جلکی شهرعی ل بهر من، و ئه ز یا بی ستار نینم !! و دوژمنیئ



ئىسلامى ئەقە دقېن، چونكى پيس كرنا تشتى ژ امان و تىگههئ
وى يى دروست، مهزنترين مهترسييه ل سهر مروقى موسلمان،
چونكى ئەو نهشېن موسلمانان ل سهر دينى وان ب زقرينن و
ليقه بكن، بهلى ئەو نوكه پتر ههولېن خو د وئ چهندى دا دبينن،
كو ئەو بهرى موسلمانان بدهنه سوننه تا جاهليه تى ب ناغى
ئىسلامى، انا لله وانا اليه راجعون، ولا حول ولا قوة الا بالله العلي
العظيم.

لهوما دى بينى ئافره تا موسلمان پرچا خو هه مييا قه شارتي، و
حيجابى خو كامل يا گريداي، بهلى دهست و پيت وئ هه تا نيغى
درويسن، يان جلکه كى سهرنج راکيش و تهنگ يى ل بهر، يان يا
خو ميکياج كرى و تورين جفاكى خو نيمايش دکهت، و پهفتار و
چاقل كه سانين رهوشت نزم، و نهزان دکهت..هتد، و دگهل ئەقى
چهندى يا خو دبينت ب ستاره، و خودان جلکه كى شهرعى، و
دهوروبه رين خو ژى تيدگه هينت، كو ئەو يا ب حيجابه و ب
ستارهيه؛ بهس چونكى پرچا خو يا قه شارتي !! لى يا راستى ئەقه
نه تىگههئ ساخلهم و دروسته بو حيجابى و ستاره بوونى،



وروزه‌کی ب خو ناحه‌سیت یا خه‌له‌ته، چونکی تیگه‌هی دروستی
جلکی شه‌ری یی ژ میشکی وی هاتییه دزین، ب هیرش و هه‌ولین
به‌رده‌وام یین ئە‌قان که‌نال و به‌رنامین ته‌له‌فزیونی، و بانگه‌وازین
خرابکار، و شرینکرنا چاقلیکرنا کوره، له‌وما هشیاری ئە‌قی
چه‌ندی بن خوشکین به‌ریژ، خودی هه‌وه پاریزیت، و قه‌دری هه‌وه
بگریت، و بزنان کو مه‌به‌ست ژ ستاره‌بوونی ئە‌وه؛ هوین ژ
به‌ریخودانا بیانیا، و ژ گوتنین کریت، و ژ زیان و نه‌خوشیا
که‌سانین دل نه‌ساخ بهینه‌پاراستن، هه‌ر وه‌کی خودی ته‌عالا
گوتیه: {يَأَيُّهَا النَّبِيُّ قُلْ لَأَرَوْكَ وَبَنَاتِكَ وَنِسَاءَ الْمُؤْمِنِينَ يُدْنِينَ
عَلَيْهِنَّ مِنْ جَلْبِيبِهِنَّ ذَٰلِكَ أَدْرَىٰ أَنْ يُعْرَفْنَ فَلَا يُؤْذِينَ ۗ وَكَانَ اللَّهُ
عَفُورًا رَّحِيمًا} [سُورَةُ الْأَحْزَابِ: ۵۹] ئانکو: ئە‌هی پیغه‌مبه‌ر تو بیژه
ژنین خو، و کچین خو، و ژنین خودان باوه‌ران: بلا ئە‌وه و پیچین خو
ب سه‌ر سه‌ری خو و دیمی خو دا به‌رده‌ن؛ دا سه‌ر و دیم و
به‌رسنگین خو قه‌شیرن؛ چونکی ئە‌قه‌ه نیزیکتره‌بو هندی کو ئە‌وه ب
ستاره‌یی بهینه‌نیاسین، و دا ئە‌وه به‌ره‌نگاری چ نه‌خوشی و
ئیشانان نه‌بن، و خودی گونه‌ه ژیه‌ری دلوقانکار بوویه، کو وی



گونه هین هه وه بیین بوری بو هه وه ژئی برین، و ب دیار کرنا چه لالی
و حهرامی دلۆفانی ب هه وه بری.

و دا ژ ئه گهری هه وه چ زه لام و جحیل نه که قنه گونه هی و
خه له تی، ئه قه ژبلی کو ستاره بوونا ئافره تی ب جلکی شه رعی
گوهدارییه بو فرمانا خودی ته عالا، و ئه و ب ئه قی چه ندی
رازیبوون و چه زژی کرنا خودی ب ده ستقه دئینت، قیجا دا ل
به هشتی شاد بیت، و ل دوزه خی دویر بیت.

ژ خودی ته عالا دخوازم من شییا بیت وه کی پیدھی چه ند
په یامین کیم پی خزمه تا خوشکین خو بکه م، و ئه ز ب ده کی پی قه
مای، و ب ئه زمانه کی شیره تکار دبیزم: جلکی خو یی شه رعی ب
پاریزه خودی ته ب پاریزیت، و ببه چاقلیکه ره کا باش، و سه بر و
هه داری ل سه ر ب کیشه، بلا خه لکی نه زان و دونیایی ته ب
کراسی نیقابی نه راکیشن بو کرنا کریاریین خو بیین ره وشت نزم،
و بلا چاشی ته ل خه لاتی خودی بیت، و مه ره ما ته ژ کرنا جلکی
شه رعی بلا ژ بو ب ده ستقه ئینانا رازیبوونا خودی، و رزگار بوون
و پاراستنا ژ ئاگری دوزه خی بیت، و ئوممه تا ئیسلامی نوکه



پیدقی ب جیلہ کی ژنایہ؛ خہ ما وان ئاخہرہ تا وان بیت، ہندہ ک کچ،
و ژن بن چافلیکہ ریئ دہیکین ئیمانداران و صہحابیان بن، نہ
چافلیکہ ریئ تیکتوکر، و قلوگر، و ئہکتہر و سترانبیژان بن،
خہ ما وان رازیبوونا خودی بیت، و بلندکرنا پہیفا تہ و حیدئ و
سوننہ تی و رہوشتی باش بیت، و چاکیا ئافرہ تی چاکیا خیزان
و جفاک و ئوممہ تی یہ.



والحمد لله رب العالمين
وصلى الله وسلم على نبينا محمد
وعلى آله وصحبه أجمعين



ناقہ پروک

- پیشہ کی..... 4
- سہرہ دہریا تافرہتا موسلمان ل تورین جفاکی 7
- فہ کرنا دہرگہ ہی خرابی تیکہ لیا کوران ب ناقی بانگخواری 14
- مہ ترسیا خشوکان ل سہر تافرہتا موسلمان ل تورین جفاکی 18
- ب کارئینانا نیقابی پھیوہندییا وی دگہل پروسہیا ہہ فزینی 23
- ب کارئینانا نیقابی، پھیوہندییا وی دگہل خو جوان دیارکرنی 29

مزگفت

www.mzgaft.com